

سنة لکی در سعادت ایچون مجیدیه  
یکرمی غروش حسابیه التمش  
غروشدر

طشره ایچون پوسته اجرتی اوله رق  
اون بش غروش ضم اولنور

نسخه سی ٤٠ پاره در

# کتابخانه

آبونه اولقی ایستینلر دائره عدلیه ده  
اداره مخصوصه سنه مراجعت  
ایتملیدر

اعلاناک بهرندن بر مجیدیه اخذ  
ایدیلور

نسخه سی ٤٠ پاره در

هفته ده ایکی دفعه جمعه ایرتسی و چهارشنبه کونلری نشر اولنور. محتویاتی امور عدلیه به متعلقدر

## تجربیات

کسریه قضاسی بدایت محکمه سی جزا دائره سی  
ریاستی قرحوه قضاسی بدایت محکمه سی رئیس  
شرف الدین افندی به

قرچوه قضاسی بدایت محکمه سی جزا دائره سی  
ریاستی کسریه قضاسی بدایت محکمه سی رئیس  
محمد امین افندی به

کسندیره قضاسی بدایت محکمه سی مدعی عمومی  
معاونلکی میچوه قضاسی بدایت محکمه سی مدعی  
عمومی معاونی عثمان خیری افندی به

میچوه قضاسی بدایت محکمه سی مدعی عمومی  
معاونلکی معلقره قضاسی بدایت محکمه سی مدعی  
عمومی معاون سابق محمود ندیم افندی به

اواخری قضاسی بدایت محکمه سی مدعی عمومی  
معاونلکی جسرارکنه قضاسی بدایت محکمه سی  
مدعی عمومی معاونی مصطفی صدقی افندی به تفویض  
بیورلش ومومی الیم ذاتاً محلّف بولنشددر .

## تجربیات و تحقیقات

بنغازی سنجانی بدایت محکمه سی مستنطقلکنه  
لاذقیه سنجانی بدایت محکمه سی مستنطق رشدی  
افندی

لاذقیه سنجانی بدایت محکمه سی مستنطقلکنه  
درامه سنجانی بدایت محکمه سی ایکنجی مستنطق  
حدی افندی

ملاطیه سنجانی بدایت محکمه سی مستنطقلکنه  
انطالیه سنجانی بدایت محکمه سی مستنطق محمد علی  
افندی

انطالیه سنجانی بدایت محکمه سی مستنطقلکنه  
قیصریه سنجانی بدایت محکمه سی مستنطق محمد امین  
افندی

قیصریه سنجانی بدایت محکمه سی مستنطقلکنه

ملاطیه سنجانی بدایت محکمه سی مستنطق رشید  
افندی تعیین اولنشددر .

## محاکمه

ارضروم ولایتی مرکز بدایت محکمه سی مدعی  
عمومی معاون سابق فائق افندینک اوراق انفصالیه  
ومدافعه نامه سی انجمن انتخاب مأمورین عدلیه جه  
لدی التدقیق جواز استخدامنه قرار ویرلشددر .

محکمه تمیز حقوق دائره سندن تنظیم واعطا  
اولنان اعلامدر :

قسطنمونی ولایتنه تابع ارکلی قضاسنک ولیر  
قریه سنده ساکنه تکه مش اوغلی کریمه سی کلثوم  
خاتون ایله محل مزبور اهالیسندن حاجی ولی احمد  
اوغلی محمد باقی بیننده متحدث دعویه دائر ارکلی  
قضاسی بدایت محکمه سندن ١٥ تشرین اول سنه ٣١٦  
تاریخی و ٤٣ عددی ایله ویریلان اعلام مزبوره  
کلثوم خاتون طرفندن تمیز اولنمغله اعلام مذکور  
طرفینک اعتراض وجواب لایحه لریله بالمطالعه تدقیقات  
تمیزیه اجراسنه ابتدار اولندی .

اعلام مذکورک خلاصه مالی مرقوم محمد باقینک  
قریه مذکوره ده کائن بدرندن منتقل باطاپو متصرف  
اولدینی معلوم الحدود اوتوز قطعه ده قرق سکر دونم  
ترلاسنه مزبوره کلثوم خاتون طرفندن واقع اولان  
مداخله نک منعی طلب ودعوی واثبات مدعا ضمنتده  
مذکور سندی ابراز واعطا ایتسنه قارشو مدعی علیها  
کلثوم خاتون دخی مدعا به ترلادن اون اوچ دونم  
القی یدی سنه اقدم کندوسنی بسلمک شرطیه  
مرقومک پدری نوری افندی به حال حیاتنده ترک  
وماعداسی اولان اوتوزیش دونم یدی ابقا یدیه رک  
الیوم تصرف وزراعت ایتمکده بولندیغنی وسالف الذکر  
اون اوچ دونم مداخله ایتدیکنی مدافعه درمیان  
ومذکور اوتوزیش دونم حقنده آروجه تصرف سندی

اولمادیغنی افاده ایتسی اوزرینه اشبو افاده سنی تأیید  
ایدر صورتده احتجاجه صالح قریه هیئت اختیاریه سندن  
برقطعه مضبطه استحصال و ابرازی ایچون محاکمه نک  
تعلیق اولندیغنی کونده مزبوره کلثوم خاتونک دعوت  
واقعه به عدم اجابته مبنی محافظه حقوقی ضمنتده  
تعیین اولنان وکیل مسخر حضوریه سبق ایدن  
محاکمه وکشف وتدقیقات نتیجه سنده منازع فیه  
ترلانک حدودی داخلنده مزبوره کلثوم خاتونک  
بشقه ترلاسی اولمادیغنی اهل وقوف طرفندن کشفی  
متضمن اعطا اولنان راپور مندرجاتیه تحقق ایتش  
اولدیغندن مجله نک بیک سکر یوز اون سکرنجی  
ماده سی موجبجه مزبوره کلثوم خاتونک حق اعتراضی  
باقی قالمق اوزره مدعا به ترلالره وقوع بولان مدعا سنک  
منعیه مرقوم محمد باقی به تسلیمنه حکمدن ومستدعیه  
تمیز کلثوم خاتونک اشبو حکم علیه نه لایحه سنده  
محرر باشلوجه اعتراضی منازع فیه ترلادن اون اوچ  
بیحق دونمک صورت فراغی نه جهتله یعنی بدلاً  
ویا خود اولبابده کی مساعدته قانونیه به مستنداً بسلمک  
شرطیه می ابقا اولندیغنی تدقیق وعائد اولدینی  
دوائر دن بالاستعلام تحقیق اولنسی اقتضا ایدرایکن  
محکمه مذکوره جه بورالری نظر دقته آنمقسزین  
مجرد کشف راپورینه بنای حکم ایدلسی یولسز  
ومخالف قانون اولدیغندن بحثله اعلام مذکورک نقضی  
استدعاسندن ومدعی علیک نتیجه جوابی دخی  
اعتراض مذکورک غیر وارد اولدینی بیانیله ردی وموافق  
قانون اولان اعلامک تصدیق طلبندن عبارت  
بولنشددر .

ایجابی مذاکره اولندقدده اعلام مذکور  
مندرجاتندن مستبان اولدیغنه کوره حکم واقع  
محکمه جه کشفه بنا ایدلش ایسه ده کشف دعوانک  
رؤیتی تسهیل ایچون اتخاذ اولنمش برتدیر قانونی  
اولوب حکمه سبب اولمادیغنی ومدعی علیها اون اوچ  
دونم اراضی بی مدعینک پدرینه فراغ ایتدیکنی اقرار  
ایله متباق اوتوز بش دونم عهده سنده ابقا ایلدیکنی  
سویلسنه نظراً فراغ اوراقلک تدقیقه برابر ایجاب



ایدن طرفدن بینه طلب ایدیلهرك تین ایده جك حاله كوره حكم اولنق لازم كلور ایكن بویوله اجرای معامله اولمیهوق برمنوال محرر قرار ویرلسی مخالف قانون اولدیغندن اصول محاکمه حقوقیه قانونك ایکی یوز اوتوز ایکنجی مادهسی موجبجه اعلام مذکورك تفضیه قانون من بورك ایکی یوز قرق دردنجی ماده سنك فقره اولاسی حکمنه توفیقاً کیفیتك تکرار بالرؤیه اعلامه ربطی ضمننده محکمه مذکوره یه اعاده سنه واولجه مستدعیه مزبوره کلثوم خاتوندن آلتان یوز الی ایکی غروش ایله بوركه مدعی علیه محمد باقی نامه اخذ اولسان ایکی یوز یتش بریچی غروش که جمعا درتیوز بکرمی اوج بیج غروش مصارف تمیز به نك ایلروده حقمرز جقه حق طرفه عايد اولسنه ۲۷ تشرین اول سنه ۳۱۹ تاریخنده متفقاً قرار ویرلدى .

—\*—

### محکمه تمیز استدا دائره سنندن تنظیم واعطا اولنان اعلامدر :

ایچایل سنجانی بدایت محکمه سی جزا دثرسندن استینافاً لاحق اولوب ۶ تموز سنه ۳۲۲ تاریخنده تفهیم قنلان مرور زمان قرار یی حاوی اعلامك تمیزی مستدعی محلی اورمان اداره سی دعوی وکیل طرفندن ویریلان ۱۲ تموز سنه ۳۲۲ تاریخی استدانامه واوراق متفرع سی باش مدعی عمومیک مأموریت بهیسنك ۵ شباط سنه ۳۲۲ تاریخی تبلیغنامه سی ایله محکمه تمیز استدا دائره سنه تودیع اولغله لدی التدیق استدانامه مذکورك مدت قانونیه سی ظرفنده ویرلدیگی اکلشادقدن ومذکور اعلامك اصراری متضمن اولمادینی محکمه تمیزك هیئت عمومیه سنجه قرار آلتنه آلتدقدن صوکره ووراق مرقومه دائره جه قرائت ومطالعه اولندی .

اعلام مذکورك مالی قونطورا تو خارجسنده کراسنه قطع ونقل ایملرندن طولانی مظنون علیه اولان اقیم ایله کفیلی چاقاچی علی افدی حقارنده کی دعوانك مرور زمان وقوعه مبنی سقوطنه دار بدهایه ویریلان قرارك استیناف ایلمسی اوزرینه جریان ایدن محاکمه استینافیه ده محلی محکمه سنه ویریلان استدانامه ایله اورمان اداره سی بپنده تعاطی اولنان قونطورا تونك ختام مدتی آرسنده اون اوج آی مرور ایلمدیگی اکلشاددیغندن بخته مرور زمانه سقوط دعوا یه دائر ویریلان قرارك عند التمیز بعض اسباب قانونیه مبنی نقض واعاده ایلمسی اوزرینه محکمه مذکوره ده یکیدن جریان ایدن محاکمه نتیجه سنده تاریخ قطعیات وتخریباتك بیان واناسی لزومی مستأنف

اورمان اداره سی وکیلنه تفهیم و اوج دفعه ده محاکمه امهال ایلمش ایکن مبدأ قطعیات وتخریباتك تعیینندن اظهار عجز ایلمش اولدینی وشو حالده مبدأ قطعیاتك تبین وشوقی جهتیهل بویاده آرهدن مرور زمان اولمادیغه دائر برشی دیمك قانوناً قابل اولهمیه جینی امور وانخهدن بولسیدیغه واعلام سابقده مذکور بولندینی اوزره وقیله درجه اولی محکمه سنه اعطا وتودیع قلمش اولان استدانك ۱۴ ربیع الآخر سنه ۳۱۰ و ۱۲ تشرین اول سنه ۳۰۹ تاریخی حاوی ومستأنف علیه علی افدینك کفالتیه اقیم و ذکر اولنان اورمان اداره سی بپنده برسنه مدته متعاطی قونطورا تونك دخی ۱۸ ذی الحجه سنه ۳۰۷ و ۱۳ تموز سنه ۳۰۶ تاریخلری ایله محرر اولسنه وتفضیلات مشروحه یه نظراً مذکور قونطورا تونك ختام مدت تاریخی بولنان ۲۸ ذی الحجه سنه ۳۰۸ و ۲۳ تموز سنه ۳۰۷ تاریخلرندن سالف الذکر ادا تاریخه قدر بالحساب آرهدن اون اوج آی التی کون مدت کذاریه مرور زمان حاصل اولدینی تدقیقات واقعه دن مستبان اولسنه مبنی اورمان نظامنامه سنك اونوز برنجی ماده سی حکمنه توفیقاً بویاده واقع اولان دعوانك سقوطنه قرار ویرلدیکندن ومذکور استدانامه ده مندرج اعتراضاتك خلاصه سی دخی بدهایه درمیان اولنمان ادا استینافاً درمیان اولهمیه جینی وقونطورا تونك ختام مدتنده بولسز قطعیات اجرا ایلمدیگی وهان دردسته محکمه به مراجعت اولندینی رسماً ثابت ایکن بروجه محرر قرار ویرلسی مخالف قانون اولدیغندن وسأرهدن بخته اعلام مذکورك تقضی طلبندن وتبلیغنامه ك مفادی دخی لایحه تمیز یه ده سرد اولنان اعتراضات بجا کوریه مامش اولدیغندن ذکر اولنان تمیز استدانامه سنك ردی لازم کله چکی بیانندن عبارتدر .

ایچانی لدی المذاکره تمیز استدانامه سننده سرد بیان ایلیلان اعتراضات مندرجات اعلامه نظراً بجا کوریه مدیکندن مذکور استسد عانامه ك ردینه وتمیز اعلامی خرجی اولان یوز غروشك اورمان اداره سنندن اخذ واستیفاسنه ۴ اغستوس سنه ۳۲۳ تاریخنده متفقاً قرار ویرلدى .

—\*—

دکرمایچی اوغلی ابوبی قتل ایستدکلی ادا اولمسنندن دولای جنایتله اتهام اولنان بلال وسعید علی وامراللهك اون بشر سنه مدته کورکه قونلرینه دائر بولی سنجانی بدایت محکمه سی جزا دائره سنندن ویریلان ۳۶۳ نومرولی اعلام کریم اوغلی کاظمك طوادرلی صورت جبر یه ده

اخذ وسرقت ایستدکلی ادا اولمسنندن دولای جنایتله اتهام اولنان محمد ویوسف ودیکر محمدک اوجر سنه مدته کورکه قونلرینه دائر کنگری سنجانی بدایت محکمه سی جزا دائره سنندن ویریلان ۲۳۶ نومرولی اعلام

حسنی قتل ایستدیگی ادا اولمسنندن دولای جنایتله اتهام اولنان صالح بن مصطفانك اون بش سنه مدته کورکه قونلرینه دائر خس سنجانی بدایت محکمه سی جزا دائره سنندن ایکنجی دفعه اوله رق ویریلان ۲۶ نومرولی اعلام محمد خضیر دوشان وخضیره بنت خضیر دوشان وخدیجه بنت احمد حسنك اشیا سیله حیواناتی اخذ وسرقت ایستدکلی ادا اولمسنندن دولای جنایتله اتهام اولنان نعمه التزک ونعمه ولد ابراهیم ومخول العیاط وعبود وسالم ومخول ملجمك اوجر سنه مدته کورکه قونلرینه ومعلوم الاسای رفقای سائر سنك دخی برائتیرنه دائر طرابلس شام سنجانی بدایت محکمه سی جزا دائره سنندن ویریلان ۵۲ نومرولی اعلام

قوله وطاشونك قیرده مسلحاً اوکرینه جقه رق معامله جبر وشدت اجرا سیله اشیا لرینی اخذ وعصب ایستدکلی ادا اولمسنندن دولای جنایتله اتهام اولنان عبداللطیف وزاهر بن عثمان وشوکت بن حسنك درددر بیج سنه مدته کورکه قونلرینه دائر ادرنه ولای استیناف محکمه سی جزا دائره سنندن ویریلان ۱۲ نومرولی اعلام

ریزه لی خلیل بن ابراهیمی قتل ایستدیگی ادا اولمسنندن دولای جنایتله اتهام اولنان ممشك اون بش سنه مدته کورکه قونلرینه دائر ایلصان سنجانی بدایت محکمه سی جزا دائره سنندن ایکنجی دفعه اوله رق ویریلان ۱۹۲ نومرولی اعلام

علی عثمان اوغلی مصطفی چاوشی قتل قصدیه جرح ایستدیگی ادا اولمسنندن دولای جنایتله اتهام اولنان حسینك اوج سنه مدته کورکه قونلرینه دائر ارطغرل سنجانی بدایت محکمه سی جزا دائره سنندن ویریلان ۳۳ نومرولی اعلام

ردوسلی حاجی مصطفی اوغلی احمد چاوشی قتل والحیسنی اخذ ایله مغازه سی احراقه تصدی ایستدکلی ادا اولمسنندن دولای جنایتله اتهام اولنان اتمکچی واسیل وقوندره چی میخا ك اون بشر سنه مدته کورکه قونلرینه وخزه لامبو ویاولی ودسپنه ك برائتیرنه دائر منتشا سنجانی بدایت محکمه سی جزا دائره سنندن ویریلان ۳۲۱ نومرولی اعلام عمر عثمان واسماعیل وحسینك معامله جبر وشدت اجرا سیله حیوان وطوادرلرینی اخذ وسرقت ایستدکلی ادا اولمسنندن دولای جنایتله اتهام اولنان حطو

وعبداه ویرام وعثمان ومامو ودیمو حسن وخلیل ابراهیمك درددر بیج سنه مدته کورکه قونلرینه دائر چوروم سنجانی بدایت محکمه سی جزا دائره سنندن ایکنجی دفعه اوله رق ویریلان ۱۰۱ نومرولی اعلام محکمه تمیز جزا دائره سنجه تصدیق قلمشدر .

—\*—

### ۶۵۵ نومرولی نسخه ده مندرج در سعادت جنایت محکمه سی اعلامنك بقیه سی :

حقنده تحری بوصله سی ویرلسی اولان ومقدما مالتبده مانیونك فروننده سمیدچی طبله کارلنی ایستدیگی سولیان قرتالی قره مانیان اوغلی آرتین ولد کورک قرتاله کیندیگی ورود ایدن جوابنامه دن اکلشامغه معاون موسی الهک طلیله مرقومك قرتالک نره سننده اولدینی بیان ایلمامش و بناء علیه بولدریلسی غیر قابل بولنش اولدیغندن افاده مضبوطه سنك قرائت ایستدریلسه متفقاً قرار ویریهرك اکلادلدقدن صوکره قرائتسنده دیمترینك قارپوز ییدیکی صرده مقتول صوتیرینك مرقوم دیمترینك قارپوز یینه طوز سریمسیله دیمترینك بونی بکا دائماً یاپیورسك دیهرك التده کی بیاچی صوتیرینك قاصیغه طوغری صاللدیغنی وبیاچی صوتیرینك قاصیغه طوقومسی اوزرینه آمان اورلدم دیدیکی اخبار ایش اولدینی منفهم اولدی . بوشاهدك افاده سنه نه دیه چکی متمدن صورلدقه

سبب بیان ایتهرك قبول ایتمه چکی درمیان ایستی . واقع اولان استیضاح اوزرینه طرفین توسییع تحقیقاته متعلق طلبری اولدیغنی سوللریله تحقیقاتك بوندن عبارت ایدوکی بیان اولندقه ده معاون موسی الیه متهم دیمترینك قارپوزینه طوز آتمق مسئله سنندن طولانی بالهور صوتیری نی جرح و قتل ایلمدیگی شاهدرك شهاداتی ومتهمك صورت افاده سی ومعاینه راپوری مندرجاتی ایله ثابت اولدیغندن بالبعث مرقوم دیمترینك بالهور قتل فعلنك فاعلی اولسق اوزره مجرمیتنه قرار ویرلسنی طلب وادا ایلمدی .

مدافعه وکیل آغوب بحری افدی دخی موکلی دیمترینك یمکده اولدینی قارپوزه صوتیری طرفندن طوز آتمسلیله تهور ایدرهرك التده بولنان قارپوزی یره آتمش اولدینی صورت اخباراتدن منفهم اوله رق اوصرده موکلنك التده بیاچی اولدینی وبیاچی قارپوزله برلکده آندینی اکلشیه مدیغنی وموکی قارپوزی آثار ایکن نره یه کیده چکی دخی بیلمدیکی وموکلنك قارپوزی آتمقه برکونه مقصدی بولمادیغنی بالیان برائنه قرار ویرلسنی استدا متهم دیمتری دخی بردیه چکی اولمادیغنی انبا ایتملریله محاکمه نك ختام

بولدینی تفهیم اوله رق مذاکره اوطنه سنه کیدلدى . محاکمات مضبوطه دن استنتاج اولنان دلائل ویناته واوراق تحقیقیه مندرجاتی سراپا مطالعه وتدقیق اوله رق استطلاع قنلان اماراته امعان نظر وبرا هین موجوده خلاصه وتعداد اوله رق جریان ایدن مذاکره ده بیوک آطه ده اسکله جوارنده طبله کار صوتیرینك جرح و قتل ایلمسنندن طولانی اتهام ایلیلان طبله کار دیمتری یمکده اولدینی قارپوزه مقتولك طوز آتمسلیله حد تلنهرك قارپوز کسیدیکی اوفقی چاقی نی مقتولك اوزرینه آتمسی عقبنده آیاقلرندن قان آقدیغنی سرد ایله تأویلاته قیام ومدافعه وکیل ده موکلنك اثنای وقعه ده یدنده بولنان بیاچی قارپوز ایله برابر آتمامش وقارپوزی آتمسنيك برکونه مقصده مستند بولنامش وقارپوزك نه جهته کیده چکی بیلمامش اولدیغندن بالبعث برائنه قرار ویرلسی بولنده افاده مرام ایللریله فصل مسئله یه کیریشلکده اولوجهله اوفقی چاقی ایله قارپوزی صوتیرینك اوزرینه آتمسلیه مرقومك آیاقلرندن قان آتغه باشلادیغنی بیان ایتمی اقرار مؤل دیمك واستماع اولنان شاهلردن طبله کار علقو ایله افاده سی قرائت ایستدریلا بئلردن کر فور قره مانیان اوغلی آرتینك متهم دیمترینك وقعه کیجه سی فرونك اوکنده قارپوز یمکده ایکن مقتول صوتیرینك مرقومك قارپوزینه طوز آتمسی اوزرینه دیمترینك حد تلنهرك التده بولنان کوچك بیاقاله صوتیرینك قاصیغندن جرح ایستدیگی وروکار چراغی قله آتینك

دخی متهم دیمترینك مقتول صوتیری یه قارپوزه نه ایچون طوز آتدك بویه شقا اولمز دیهرك التی صوتیری یه طوغری اوزا تمسلیله صوتیرینك قاصیغنی طومش اولدینی حالده بی اوردی دیدیکی ومرقوم صوتیرینك بیاقلرندن قان آتغه باشلادیغنی وافاده سی اوقونان قره عثمان قهرمان نام دیگر محمدده مقتول صوتیرینك متهم دیمترینك قارپوزینه طوز آتمسنندن طولانی دیمترینك حد تلنهرك بیاچی وباخود چاقی بولنان التی صوتیری یه طوغری صاللدیغنی وصوتیرینك بوصرده آمان دیدیکی ومرقوم صوتیرینك آیاغندن قان آتقده بولسیدیغنی کوردکیرینه دائر مع القسم شهادت وتحقیقات ابتدایه ده کندوسنك دخی شهادت مسروده موجبجه اعتراف کیفیت ایلرینه نظراً محکمه ده کی تأویلنك حقیقت حالی تغیر ایده میه چکی بی شک اولسنه وطیب راپورنده قتلک آلت جارحه ایله وقوع بولمش اولدیغنی کوسترلسی دخی قارپوز بیاغیله ایقاع اولنش اولدیغنی مشعر بولسنه مبنی متهم دیمترینك تأویلاتی واسباب مشروحه یه قارشو وکیلنك کافه مدافعاتی غیرمقبول اولغله متهم دیمترینك ۳۲۳

سنه سی تموزینك یکرمی سکزنجی جمعا برتسی کیجه سی بیوک آطه ده اسکله جوارنده بالهور صوتیری نی جرح و قتل ایلمدیگی تحقیق ایستدیکندن مرقومك اولوجهله مجرمیتنه متفقاً قرار ویریهرك محاکمه اوطنه سنه عودتله قرار مذکور علناً قرائت و بیان اولندقه معاون موسی الیه مجرم دیمترینك قانون جزانك یوز یتش دردنجی ماده سنك فقره اولاسنه توفیقاً تعیین جزاسنی طاب وادا ومدافعه وکیل ایله مجرم دیمتری ده بر دیه چکلری اولدیغنی انبا ایتملریله بوجهت حقتده کی محاکمه نك دخی ختام بولدینی تفهیم اوله رق تکرار مذاکره اوطنه سنه کیدلدى .

جهت جزائی حقتده دخی مذاکره کیفیت اولندقه مجرم دیمترینك حرکتی قانون جزانك یوز یتش دردنجی ماده سنك فقره اولاسنه موافق وفقره مذکوره « برکیمه من غیر تعمد بر شخصی اتلاف ایتش ایسه اون بش سنه مدته کورکه وضع اولنور » عبارته سی ناطق اولدیغندن بوفقره حکمنه توفیقاً وابتدای توفیقی اولان ۳۲۵ سنه سی رجبنك بشنجی کوندن اعتباراً مرقوم دیمترینك اون بش سنه مدته کورکه قونلرینه واعلام وضبط واستطاق خرچلری اولان جمعا یوز الی غروشك دخی کندوسندن بالتحصیل عدلیه وزنه سنه تسلیم ایستدریلسنه ۳۲۵ سنه سی ذی القعه ده سنك یکرمی سکزنجی کونه مصادف اولان ۳۲۳ سنه سی کانون اولنك یکرمی کونی متفقاً قرار ویریهرك اصول تفهیمی ایفا قلندی .

—\*—

اطناش افدینك چانطه سی سرقت ایلمدیگی تینن ایدن تنکچی یاقونك اوج ماه مدته حبسنه وختام مدت جزایه سننده ضابطه جه کفالته ربطنه

خلاف تنیه سلاح طاشیدقلمری تینن ایدن عمر ایله دیمستونیدن بشر بشلک جزای نقدی استیفاسنه بک اوغلی بدایت محکمه سی جزا دائره سنجه قرار ویرلشدر .

## محاکمات استینافیه

اسکشر قضای بدایت محکمه سی اعضای سابقه سنندن محمد افدینك مذکور اعضا قنده بولندینی صرده خلاف اصول معاملاتنه متجاسر اولدیغنی خداوندکار ولایق استیناف محکمه سی مدعی عمومیکندن وارد اولان ووراق تحقیقیه مندرجاتدن مستبان اولسنه مبنی سائر ایجاب ایدلر حقتده تعقیبات قانونیه ایفا اولنق اوزره موسی الیه محمد



افدينك محاكمه آلتنه آلتنه عدليه نظارت جليله سندن  
مأذونيت ويريلهرك مذكور مدعى عموميلكه تبليغات  
مقتضيه اجرا ايدلمشدر .

## اعلانات

### نجات بحريه محكمه سنده

در سعادتده بيوك يكي خاندان ساكن ايكن تجارت  
بحريه محكمه سندن افلاسنه حكم اولنش اولان مهران  
آصادوريان برادرلرك خصوصات افلاسيه سنك رؤيت  
وتسويه سي ضمنده دعوى وكيللرندن حياتي وتجارندن  
ارمناق پاپازيان افنديلر اصالة سنديك تعين قلمش  
اولدقلرندن مفلس مرقوم ذمتنده آله جنى اولانلرك  
قانوننامه تجارتك ۱۹۹ و ۲۰۰ نجى ماده لرى موجبجه  
تحقيق ديون ايچون تاريخ اعلاندن اعتباراً يكرمى بر  
كون ظرفنده سنداتنى محكمه كاتبه تسليم ايللرى  
ومدت مذكوره ختامندن صوكره اوچ كونده يعنى  
۳۲۴ سنه سى مارتنك اون ايكنجى چهارشنبه اون  
اوچنجى پنجشنبه واون بشنجى جمعه ايرتسى كونلرى  
تجارت بحريه محكمه سنك مصالح افلاسيه رؤيته  
مخصوص اوطنه سنه كلهر ك سنديك افنديلر مواجهه سنده  
آله جقلىرى اثبات وقيد وتصديق ايتدبرملرى ومدت  
مذكوره ده اثبات وجود ايدمىان آله جقلىلر حقنده  
قانون مذكورك ۲۱۰ نجى ماده سنه توفيقاً ايفاي معامله  
اولنه جنى اعلان اولنور .

### در سعادت اعلامات نظاميه اجرا دائره سنده :

ميساق طاشجيانك طاشوز متصرفى عطوققلو  
امين بك افندى حضرتلرى ذمتنده محكوم به آله جقندن  
طولاني مديون مشاراليهك پدرندن انتقالاً متصرف  
اولدبني سليمانيه جوارنده صمان ويران اول محله سنده  
دوكمه جيلر زقاغنده تخميناً ايكي يوز آرشون عرصه  
اوزرينه مبنى سلاملق وحرم اون ايكي اوطنه وبرمطبخ  
وايكي صفه وبرقيويى حاوى بروايكي واوتوزيدى  
واوتوز طقوز مقلوب نومرولو خانهك ايكي حصه  
اعتباريله بر حصه سى ايله ومعين محلك دخى درت حصه  
اعتباريله بر حصه سى اجرا قلنان مزايده نتيجه سنده  
ايراي عثمانى يوزغروش حسابيله اون بش بيك ومحل  
مذكورده تخميناً يكرمى آرشون عرصه اوزرينه مبنى  
فوقنده براوطه وآلتنده بر بودرومى حاوى بر نومرولى  
دوكمه جى دكاننك نصف حصه سى دخى عندالمزايده  
ايراي عثمانى يوزغروش حسابيله درت بيك غروشه  
طالبلى عهده سنده تقرر ايدر ك موقتاً قراردادده سى  
كشيد قلمش اولديغندن يوزده بش ضم ايله طالب

اولانلرك تاريخ اعلاندن اعتباراً نهايت اوتوز بركون  
ظرفنده در سعادت اعلامات نظاميه اجرا دائره سنده  
مراجعت ايللرى ومدت مذكوره ختامنده يعنى ۳۲۴  
سنه سى مارتنك يكرمى طقوزنجى جمعه ايرتسى كونى  
ساعت اوچ راده لرنده املاك مذكوره پيشكاهنده  
مأمورى مواجهه سنده حاضر بولملرى اعلان  
اولنور .

عائشه خانمك بااعلام نظامى حمده سيرت افندى  
ذمتنده محكوم به آله جقندن طولاني مديون موسى اليهك  
عهده تصرفنده اولوب حيز آلتنه آلتش اولان محمود  
پاشا محله سنده على بابا تره سى زقاغنده تخميناً يوزاللى  
آرشون عرصه اوزرينه مبنى اوچ قاتندن عبارت آلتى  
اوطنه ايكي صفه واتصالنده يكرمى آرشون اوزرينه  
مبنى برمطبخ وبرقيويى اوچيوز آرشون باغچه يى حاوى  
درت نومرولى برباب كاركير خانهك بش حصه اعتباريله  
ايكي بچق حصه سى اجرا قلنان مزايده نتيجه سنده  
ايراي عثمانى يوزغروش حسابيله اون بش بيك غروشه  
طالبلى عهده سنده تقرر ايدر ك موقتاً قراردادده سى  
كشيد قلمش اولديغندن يوزده بش ضم ايله طالب  
اولانلرك تاريخ اعلاندن اعتباراً اوتوز بركون ظرفنده  
اجرا دائره سنده ومدت مذكوره ختامنده يعنى ۳۲۴  
سنه سى مارتنك يكرمى آلتنجى كونى املاك مذكوره  
پيشكاهنده مأمورى مواجهه سنده حاضر بولملرى  
در سعادت اعلامات نظاميه اجرا دائره سندن اعلان  
اولنور .

مرحوم مهرى پاشا وعادله خانمك عبده مكى بك  
اموانندن ووالده ووصيه سى خديجه خيره خانمك يدندن  
استقراض ايلدكلرى مبالغه مقابل مرهون وفرختى  
محكوم بولنان بشكطاشده تشويقيه محله سنده احمد بك  
زقاغنده واقع تخميناً بيك درت يوز آلتش بش آرشون  
يكرمى سكر نومرولى محترق قوناق عرصه سى تمامى  
على الاصول اجرا قلنان مزايده نتيجه سنده ايراي عثمانى  
يوزغروش حسابيله اللى ايكي بيك غروشه طالبلى  
عهده سنده تقرر ايدر ك موقتاً قراردادده سى كشيد  
قلمش اولديغندن يوزده بش ضم ايله طالب اولانلرك  
تاريخ اعلاندن اعتباراً نهايت اوتوز بركون ظرفنده  
در سعادت اعلامات نظاميه اجرا دائره سنده مراجعت  
ايللرى ومدت مذكوره ختامنده ۳۲۴ سنه سى مارتنك  
يكرمى آلتنجى كونى ساعت درت راده لرنده مذكور  
عرصه پيشكاهنده مأمورى مواجهه سنده حاضر بولملرى  
ومدت مذكوره انقضاسندن صوكره بشقه جه ضم  
قبول ايدلمه چكى اعلان اولنور .

### اسكدار بدایت محكمه سى اجرا دائره سنده

محمد اغانك نصيب خانم ذمتنده اسكدار بدایت  
محكمه سى اعلاميله محكوم به آلاجنى اولان اوچييك  
يوز سكر غروشه مك مصارف محاكمه تأمين استيفاسيچون  
مديونه موسى اليهك عهده تصرفنده اولوب اسكدارده  
آشجى باشى محله سنده جامع شريف زقاغنده بر نومرو  
ايله مرقم تخميناً يوز آرشون عرصه اوزرينه مبنى اوچ  
اوطنه وبرصفه وبرآخور وتخميناً يوزاللى آرشون  
مقدارى باغچه وبرقيويى محتوى اولان برباب اخشاب  
خانهك درت حصه اعتباريله بر حصه سى لدى المزايده  
عثمانلى آلتونى يوزغروش حسابيله سكر يوز غروشه  
طالبلى عهده سنده قلمش وتاريخ اعلاندن اعتباراً اوتوز  
بركونه يعنى كله جك مارت رومينك يكرمى آلتنجى  
چهارشنبه كونى ساعت درتدن يدى يه قدر يوزده بش  
ضم قبول اولمى وذكرا اولنان يوم وساعته صوك  
مزايده سى بالا اجرا قرار قطعى ويريلهرك طالبلى  
عهده سنده كچورلمسى مقرر بولنش اولديغندن وآندن  
صوكره هر نه ضم وقوع بولور ايسه قبول اولميه جقندن  
مذكور ربع حصه يه يوزده بش ضم ايله طالب اولانلرك  
واطرافليجه معلومات آلمق ايساتيانلرك بدل مزايده ك  
عشرينه مساوى ني اچه سيله برابر مدت مذكوره ظرفنده  
اسكدار بدایت محكمه سى اجرا دائره سنده مراجعت  
ايللرى ويوم ووقت مذكوره ذكر اولنان خانه  
پيشكاهنده حاضر بولملرى اعلان اولنور .

### كوريجه بدایت محكمه سى مقوق قسمته :

كوريجه قصبه سنك مانو محله سى اهالي سندن  
تجاردن پاپادوپلو قرداشلرك آله جق ماده سندن  
طولاني كوريجه واروشنك كيرو محله سى ساكنلرندن  
اولوب امريقيه عزيمتله الحاله هذه اقامتكاى مجهول  
بولنان طوانجى يناكى ايليا كسرافه عليهنده كوريجه  
بدایت محكمه سى حقوق دائره سندن اقامه ايلديكى  
قبل الحكم حيز دعواسى اوزرينه حيزى طلب اولنان  
اوچ باب خانه دن عائله سنك مسكن شرعى سى بولنان  
خانهك تفريقيله ديكر ايكي باب خانه سنك نتيجه  
محاكمه قدر آخره صائنامق اوزره حيزينه قرار  
ويرلمش ومديونك اقامتكاى مجهول بولنش اولديغندن  
تاريخ اعلاندن اعتباراً بر سنه صوكره غائب مرقوم ورود  
ايميه جك اولور ايسه حيز استعاسنك بر صورتى كندو  
سنه تبليغ ايدلمش عد اولمق اوزره غزته ايله دخى  
اعلانته ابتدار قلندى .